



أحكام الحج والعمرة

Heera hajji fii umrah.

بقلم أبي رافع

جمال بن شيخ محمد

Qopheysaan-shekJamaal
shek Muhammad.

بسم الله الرحمن الرحيم . الحمد
لله والصلاة والسلام على رسول الله نبينا محمد
وعلى آله وصحبه أجمعين.

Bismillaahirrahmaani
rrahiim.

Alhamdu liLAAHI wassalaatu
wassalaamu alaa rasuulliLaah
s.a.w. wa alaa aalihii wasahbihii
ajmaiin.

Hajjiin ibaadaa jabduudha. roga
5ffaa kan islaamaati.nama
dandeeytii qabeenyaa qaburratti
umrii isaa keysatti yoggu 1 hajjii
godhuun dirqama
jabeyfamaadha.osoo dandayan
diisuun badii
guddoodha.RABBIIN s.w. akkana
jedha"

ولله على الناس حج البيت من استطاع إليه
سبيلا فمن كفر فإن الله غني حميد

"Hajjiin mana makkaa dirqama
Rabbiin ummatarraa qabu, nama
humna karaa gama isaatti
dandayeeef. Ammoo namni didee
kafare akka fedhe, Rabbiin
dureysa
faarfamaadha."Qur'aanul kariim.
Hadiisatti Nabiin keenya
s.a.w.akkana jedha.

"من حج فلم يرفث ولم يفسق رجع كيوم ولدته
أمه"

وفي حديث آخر " الحج المبرور ليس له جزاء إلا
الجنة"

"Namni hajji godhe osoo
hindoggorin, osoo badii
hindalagi, akka waan guyyaa
dhalateeti qulqullaayee gala."
hadiisa birootti "hajjiin
sirrooftuun galanni isii jannatum
gosa ihraamaa (hidhannaa).
gosti ihraama (hidhannaa)
hajiifii umraa gosa sadihi. isaanis

1-hajji qofa (ifraada),2 -lameen
walirratti lakkuu (qiiraana), 3-
umraahiikkatanii hajjii
eeggachuu(tamattu'a)caalaan

3kanaa tamattu'a. kana jechuun dura umraa qofa hidhachuun akkuma makka dhaqanitti hatattamatti umraa godhanii hiikkatanii hajjii eeggachuudha. yogguu guyyaan 8 gaye hajjii hidhatanii itti fufuudha. Nabiin kenya s.a.w. hajjatal wadaa'i keysatti sahaboota akka kanahidhatani fii kanneen akkaataa birootti hidhatanis akka kanatti jirjiiran ajaje.

hojii umraa boodaan hajjii (tamattu'a).

1-yeroo deensaaf asirraa gara hajjii kaate bakkuma irraa deemtu sanitti qaama dhiqatta. kara dirree xiyyaaraa deemta.

2-yeroo dirree xayyaaraa (boolee) seente uffata kee hunda baafatteeti uffata ihraama uffatta. waan urgaawu godhatta. Raka'aa 2 salaatta.

3-umraa hidhatta akkana jettee,

لبيك عمرة، لبيك اللهم لبيك لبيك لا شريك لك لبيك
إن الحمد والنعمة لك والملك لا شريك لك .

"Labbeyka umratan- labbeyka Allaahumma labbeyka labbeyka laashariika laka labbeyka innalhamda wanni'imata laka walmulka laa shariika lak". jetteeti hidhatta. labbeykaa tana ittuma fufta hanga xawaafa jalqabdutti.

4-yogguu masjidal haraam seentu miila mirgaa dursita.

bismiLLAAHI wassalaatu wassalaamu alaa rasuulillaahi...qaraata.

5-eegasii kara hajarul aswad achii deemta, harka mirgaatiin hajarul aswad tuqateeti harka san dhangata, yoo tuqatuu dadhabde itti harkaan akeekta hindhungatu. yeroo tana akkana jetta>

بسم الله والله أكبر، اللهم إيماناً بك وتصديقاً بكتابك
ووفاء بعهدك واتباعاً لسنة نبيك محمد صلى الله
عليه وسلم.

"Bismillaahi wallaahu akbar Allaahumma iimaanana bika watasdiiqan bikitaabika wawafaa'an bi ahdika

wattibaa'an lisunnati nabiyyika muhammadin s.a.w."

6- achirraa beytii bitaa ketitti gootee xawaafa jalqabda, yogguu ruknal yamaanii geesse nituqatta garuu hindhungattu. Rukniifii hajarul aswad jiddutti akkana jetta.

ربنا آتنا في الدنيا حسنة وفي الآخرة حسنة وقنا عذاب النار

اللهم إني أسألك العفو والعافية في الدنيا والآخرة

"Rabbanaa aatinaa fiddunyaa hasanatan wafil aakhirati hasanatan waqinaa azaabznaar, Allaahumma innii as'aluka al'afwa wal aafiyata fidduniyaa wal'aakhirah"

7-yeroo hajarul aswad irra dhufte hunda allaahu akbar jetta, yeroo xawaafaa zikrii, du'aa'ii qaraatii qur'aanaa itti fufi.

8-xawaafa duraa kana kessatti afrii tee bobaa mirgaa jalaan baafatta, marsaa duraa sadan keysatti nifiyda fiigicha xiqqaa.

9-yogguu xawaafa 7 fixxe kara

maqaama ibraahiim achi
deemta.aayata kana qaraata.

واتخذوا من مقام إبراهيم صلى

Wattakhizuu min maqaami
ibraahiima musallaa ...
qaraata.isa duubatti raka'aa 2
salaati.

10-san booda kara hajarul aswad
as deebitee tuqatta yoo
dandeesse.

11-san booda kara sa'iyii
olbahi.yogguu safatti dhihaatte .

إن الصفا والمروة من شعائر الله...

"Innassafaa walmarwata
minsha'aairillaahi..."
qara'i.deemii safarratti olbahi
ka'ibatti fuula deebi'i duaa'ii
Rabbi kadhu.du'aa'ii nabiin
kenya s.a.w. asitti kadhate
keysaa takka tana yoggu 3 irra
deddeebi'i.

"لإله إلا الله وحده لا شريك له له الملك وله الحمد
وهو على كل شيء قدير، لإله إلا الله وحده أنجز
وعده ونصر عبده وهزم الأحزاب وحده"

12-eegasii gara marwaa gadi buii
sa'iyii godhi.deemi yeroo
mallattoo magarroo lameen
jedduu geesse fiigi.yogguu
marwaa geesse irratti olbahi
kaibatti fuula deebi'i harka banii
Rabbi kadhu.akkasumatti kara
safaa egasii kara marwaa yoggu 7
godhi. sa'iyii safaaf marwa
jiddutti godhamtu tana keeysatti
zikrii qaraatii qur'aanaa, du'aa'ii
heddummeysi.

13-yogguu marsaa 7n fixxe
mataa haadadhu takkii
gabaabsi.dubartiin waaxiiqqoma
fiixarraa murti.umraan asitti
dhuma.uffata kee jirjiiradhuu
gara bekkaa qubatee tesso
keetii deemi.Hanga baatiin hajjii
(zulhijjaa)guyyaa8 geysutti
akkanumatti turi.

Akkaataa hajjii.

Baatii hajjii (zulhijjaa) guyyaa
8ffa.

14-guyyaa 8ti (guyyaa tarwiyaa)
yeroo waaree bakkuma jirturraa

hajjii hidhadhuu.akkuma yeroo
umraa hidhattuutti qaama
dhiqdhuu ,urgeyfadhuu, ihraama,
uffadhuu,salaati.

15-hajjii niyyaa godhi.

لبيك حجا لبيك اللهم لبيك لبيك لا شريك لك لبيك ,

إن الحمد والنعمة لك والملك لا شريك لك .

,Labbeyka hajjan-labbeyka
Allaahumma labbeyka labbeyka
laa shariika laka
labbeyka<innalhamda
wanni'imata laka walmulka
laashariika lak.

16-Egasii minatti deemi,achi
qubadhu,zuhrii,asrii,magriibaafii
ishaaii achitti salaati,gaggabaabsi
garuu walitti hinqabin.achuma
buli,subhis achumatti salaati.

zulhijjaah guyyaa 9ffaa.

17- guyyaa 9ffaa yogguu aduun
baate achirraa ka'ii gara arafaa
deemi.arafaa dhaqi,yoo
dandayame namirah
qubadhu,yookaanis bakkuma
siiflaafte arafarraa
qubadhuu,zikriifii du'aaii itti fufi

akka abbaa lubbuutti.hinlaafin
hinhifatin. 18-yogguu zuhriin
gaye salaata zuhriifii asrii jam'ii
duraa godhii gaggabaabsii
salaati.akkuma nabiin keenya
s.a.w. godhetti. 19-egasii du'aai
itti fufi ,qiblatti fuula
deebi'ii,harka banii,waywaadhu
rabbitti.yaa du'aa'ii guyyaa sanii
haalaan jabduudha.mataa keetiif
muslimtoota hundaaf Rabbi
kadhaddhu.

20-yogguu aduun seente
achirraa ka'ii gara muzdalifaa
deemi. yeroo muzdalifaa
dhaqxee magriibaafii ishaa'ii
jami boodaa salaati.

21-yogguu fajare subhii
salaati,gara mash'arul haraam
(eddoo masjiidaa)
deemi.du'aaiifii zikrii itti fufi
hanga haalaan bariee ifuu.
zulhijjah guyyaa 10ffaa.

22-osoo aduun hinbaane gara
minaa sossohi. waadii muhassar
yogguu geyse daddafii

demi.ciracha torba karaa
guuradhu.

23-wayta mina geyse jamratul-
aqabaa darbadhu.isiin boolla
moggaa gama makkaati. cirracha
7n darbadhu.takka takkaan
takbiiraa wajji jechaa darbi.
24-egasii as deebi'ii wareega kee
qali,yeroo ammaa halli abbaan
ufii qaluu waan hinmijjanneef
gatii beyladaa tokkoon bitan
baankii islaamatti galii godhuu
qofaatu gaya. bara dabre hijra
1433 yeroo nuti hajji goone
gatiin qaliinsa 1 riyaaala sawdii
430 ture.garuu oliifii gadi
siiquunis nimala.namni
waaqaluu dadhabe guyyaa
kudhan soomana. 3 hajjii
keysatti 7ammoo eega galeeyi.
atis yoo waaqaluun siif
hinmijjaawin akkanumatti
soomanta. egasii mataa kee haadi
(gabaabsi)dubaartiin fixarraa
murti.

25-kara makkaa deemii dhaqi
xawaafa ifaadaa godhi.saiyii
oriisaa safaaf marwaatis itti

aansii godhi.akkuma umraa
keysatti ibsametti
26-Achumaan uf duuba kara
minaa asdeebi'i demii dhaqii
mina buli.

zulhijjah guyyaa 11ffaa
27-guyyaa 11ffaa achumatti
orraafadhuu yogguu aduun
jallate deemii jamaraata dhaqii
boolla sadeenuu
darbadhu.ciracha torba torbaan
waliigalli digdamii tokko.bolla
dura tan gama masgiida khiif as
aanturraa jalqabi darbi du'aa'ii
godhu.tajiddutis akkasumatti
darbi du'aa'ii godhi. tamogga
(aqabaatis) darbi du'aa'ii dhiisii
deemi.

zulhijjaah guyyaa 12
28-Guyyaa 12ffaatis kkasumatti
darbi, yoojarjarte deemi,
yookaan minumatti deebi'ii buli.
zulhijjah guyyaa 13
29-Guyyaa 13ffaatis
darbi.ammaa xumurtee minarraa
ka'i.bakka tessoo ketiitti
makkaatti gali.,

Ziyaaraa masgiida rasuulaa
S.A.W. kan madiinaa.
30-amma hajjitee fixxee masgida
rasuul a.a.w. kan madiinaa
ziyaari. masgida nabiitti salaati.
yoo dandeesse rowdatti salaati.
achumaan achi bahii
Rasuularratti s.a.w. salaamtaa
qarai, Abuubakariifii umarirrattis
salaamadhu. 31-qabroota
baqii'i kan sahaabonni 10,000 ol
itti awwaalame ziyaari. uhud fi
qabroota shuhadaa'aa (hamzaa
fa'i)s ziyaari. masgiida qubaa tis
ziyaari.
32-guyyaa kara biyya teetii
deemtu xawaafa
dhaammannaa(xawaaful
wadaa'i) godhi xawaafii
achumaan ka hinturretti karaa
seeni.yoo osoo hin deemne
ooltee (bulte) xawaafa
dhaammannaa kana irra deebi'ii
godhi.Asirratti hajjii tee
xumurtee jirta, siifii muslimtoota
hundarraayis Rabbiin haa
qeebaluu. Alhamdu liLLAAHI
RABBIL aalamiin.

wantoota hajjii keysatti
dhoowwaman.
33-namni hajjii hidhatee eegale
tokko hanga fixutti wantoota
armaan gadii kanarraa
fagaachuu qaba.
1-Rifeensaafi qeensa isaa
cirachuu/muruu/
.2-waan urgaawu dibachuu,
samunaa urgaawunis dhiqachuu.
3-bineensa al'ooluu /ajjeesuu/.
4-warra isaatiin wajji qunnamtii
godhuu.
5-haala fedhii itti kaasuun
qaqqabuu,dhungachuufii,taphac
huu,warra isaatiin wajji.
6-qadhimuufii nikaaha hidhuu
ufiifis tahee nama birootiif.
7-guwantii harkaa uffachuu
8-Dhiirti mataa
hagooggachuu,kofiyaa,imaamata,
kkf uffachuu.
9-uffata qaamatti naannawu
kofoo,marxoo,mudawwara,shaa
miza, paantii,kkf uffachuu.
10-Dubartiin ammoo fuula
hagooggachuun, niqaabaafii
burqu'a uffachuun

dhoowwaadha.
11-kan dhowwaa hinqabne
ammoo -hamartii/qubee/,
manzaraa ijaa, erfoona gurraa,
saa'ah harkaa, samunaa
hinurgooyneen
fayyadamuu,mataafii qaama
dhiqachuun, homaa dhoowwaa
hinqabdu.
34-mormii,muggutiifii
dogoggorri hundi
dhoowwaadha.akkuma san
muslima dararuun jechootaafii
hojiinis dhowwaadha.namni
hedduun kun bakka takkatti
walitti qabamee walitti
gufachuun,walitti bu'uun waan
hafa hinqabnee waan taheef.
=hin'aarin hinlolin
hindallanin.harkaa fii afaaniin
nama hinmiidhin
. =obsi,dhiifama godhi,araarami
Rabbiin siif araaramaa.
35-dhaamsa dhumaa-
-yaa haajii keenya kabajamaa!
kunoo gaa gargaarsa Rabbiitiin
hajjii goote,waan guddaa
dalayde,yoorabbi jedhe

araarama isaa argatte,
milkooyte, tanaaf wilii jallinatti
hindeebi'in. asii galtee badii adda
addaa tan akka shirkii,salaata
dhiisuu, zinaa godhuu, farshoo
dhuguu, haqa namaa hatuu,
saamuu,dubartiin hijaaba
uffachuu dhiisuu,...badiilee kkf
hundarraa fagaadhu.yoo duran
nama hamaa nama arrabsu,kan
harkaan namatti jarjaru,kan
boonu taates amma booda
irraanfadh, ittin deebi'in.
yogguu badii takkatti dhihaatte
qaxab jedhii ufaqabii yaadadhu-
hajjii dhaqee
galeemoo?qaanyiidha! abadan!
hintahu jedhii jalaa didii
sheyxaana
qaanyeyysi.astagfiruLLaah jedhii
irraa debi'i.
Yaa haajii keenya jaalatamaa! Ati
amma yogguu asirraa galte nama
haarawa biroo tahii gali.sii dur
taatee hingalin.jirjiirami,amma
haarawa dhalatte waan
taheef.ibaadaa Rabbii s.w. hanga
dur daran jabeysi. salaata,

jum'aafii jamaa'ah, masgiida,
qaraatii qur'aanaa,zikrii
Rabbii,du'aaii,sadaqaa,diin
gargaaruu,fii toltuu fii kheyrii
waan tahe hunda akkaan itti
jabaadhu.warraa ilmaan kee
diinirratti ajaji,haadhaaf abbaa
kee, ollaa kee, obboleyyan
muslimaa hunda dinitti
ajaji,gorsi, yaadachiis,Walumaa
galatti ajaja Rabbiitiifii ergamaa
isaa nabi Muhammad s.a.w.
dhagayi,diin kee jabeysii,irratti
jiraadhuu irratti du'i.

wasallallaahu alaa nabiyyinaa
muhammadin wasallam.